

佛說淨業障經

失译师名 开元附 秦錄

如是我闻。一时，佛住‘毗舍离’，‘菴罗树’园，与大比丘众，五百人俱；菩萨摩訶萨，三万二千——其名曰：坏魔菩萨、神通游戏光焰菩萨、莲华身菩萨、放光王菩萨、常调身菩萨、满众愿菩萨、宝庄严坚意菩萨、杂华眼菩萨、净音声王菩萨、光照明菩萨、妙真金菩萨、降伏一切诸根境界菩萨、大雷音菩萨、如意光积菩萨、文殊师利法王子，如是等三万二千菩萨，而为上首。

尔时，有一比丘，名‘无垢光’，入毗舍离城，次第乞食，以不知故，入淫女家。

时，‘无垢光’入其家已，是时，淫女于‘无垢光’，起染污心，作是思惟：“我今必当，与此‘比丘’，共行欲法，若不从我，我将殒命。”作是念已，即便闭门，语比丘言：“愿与尊者，共行欲事，若不从我，我当必死。”

时，无垢光语淫女言：“且止大姊，我今不应犯如此事，所以者何？佛所制戒，我应奉行，宁舍身命，不毁此戒。”

尔时淫女，复更思惟：“我今当以‘咒术药草’，令此比丘共为欲事。”语比丘言：“我今不能，令汝退转，毁犯禁戒，

但当受我，所施之食。”而（随）入舍内，便‘咒’其食，投比丘‘钵’。

咒术力故，令此比丘，便失正念，起于欲心，展转增盛。

尔时淫女，见此比丘‘颜色’变异，即前牵手，共为欲事。是时，比丘与彼淫女，共相爱乐，行淫欲已，持所乞食，还诣精舍。

到精舍已，生大忧悔，举体烦热：“咄哉！何为破大戒身？我今不应受他‘信施’，我今则是‘破戒’之人，当堕地狱。”

时‘无垢光’，向诸比丘‘同梵行’者，语如是言：“我今破戒，非是沙门，必趣地狱。”

时诸比丘，问无垢光：“何因缘而破此戒耶？”

时无垢光，具说上事。

时诸同学，语‘无垢光’：“仁者当知，此有菩萨摩訶萨，名‘文殊师利’，得‘无生法忍’，善能除灭‘破戒之罪’，亦令众生，离诸盖缠，我今与汝，共诣‘文殊师利菩萨摩訶萨’所，除汝忧悔。”

时，无垢光犹故未食，与诸比丘，诣‘文殊师利法王子’所，到已问讯，供养恭敬，即以‘上事’，具白文殊师利。

文殊师利语无垢光：“汝今且食，食已当共诣‘如来’所，问如此事，如佛所说，当共受持。”

比丘食已，与文殊师利，共诣佛所，到已，顶礼佛足，却坐一面。

尔时，无垢光比丘，心怀恐惧，不敢问佛，于是文殊师利，即从坐起，整衣服，偏袒右肩，右膝着地，合掌向佛，即以上事，具白世尊。

尔时，世尊告无垢光：“汝实尔不？”

答言：“实尔。”

佛告比丘：“汝本有心，欲犯淫不？”

答言：“不也。”

佛告比丘：“汝本无心，云何而犯？”

比丘答言：“我于后时，乃生欲心。”

「佛言：」“如是比丘，‘心’犯欲耶？”

答言：“如是。”

佛告比丘：“我常不言：心垢，故众生垢；心净，故众生净耶？”

答言：“如是。”

佛告比丘：“于意云何？汝曾梦中，受欲之时，心觉知不？”

答言：“觉知。”

佛告比丘：“汝向犯欲，岂非‘由心而觉知’耶？”

答言：“如是。”

「佛言：」“若如是者，比丘，‘寤、梦’犯欲，有何差别？”

比丘答言：“寤、梦犯欲，无差别也。”

佛言：“于意云何？我先不言：一切诸法，皆如梦耶？”

答言：“如是。”

佛言：“于意云何？如梦诸法，是真实耶？”

答言：“不也。”

佛告比丘：“于意云何，‘寤、梦’二心，俱‘真实’耶？”

“不也，世尊。”

佛告比丘：“若非真实，是‘有’法不？”

“不也，世尊。”

佛告比丘：“于意云何，‘无所有’法，为有‘生’不？”

“不也，世尊。”

佛告比丘：“若法‘无生’，有‘灭’？有‘缚’？有‘解脱’耶？”

“不也，世尊。”

佛告比丘：“于意云何？‘无生’之法，尚‘无所有’，而当有堕‘三恶道’耶？”

佛告比丘：“一切诸法，本性清净，然诸‘凡夫、愚小、无智’，于‘无有法’，不知‘如’故，妄生‘分别’，以‘分别’故，‘堕’三恶道。”

复告比丘：“诸法无实，而现种种‘所应作事’，为著贪欲、瞋恚、愚痴、凡夫等故，分别诸法，不知‘如’故，非是‘真实’。”

复告比丘：“诸法虚诞，如野马故；诸法如梦，本性自在，逮清净故；

诸法究竟，如‘水中月、泡沫’等故；

诸法寂静，无生老病死‘诸过患’故；

诸法无取，非是‘色法’，不可‘见’故；

诸法无聚，如虚空故；诸法无性，过诸性故；

诸法甚深，过虚空故；诸法广大，无处所故；

法无‘所作’，究竟‘寂’故；法‘无所依’，境界‘空’故；

法无‘根本’，毕竟‘空’故；法离盖缠、烦恼、结使，不可得故；

法离‘炽然’，‘性’不生故；法无障碍，本性‘净’故；

诸法‘无报’，犹如‘影’故；诸法如‘幻’，犹不‘实’故；

法无所依，妄分别故；诸法流转，而诸众生，著诸边故；

诸法不起，诸缘各各，性相违故；
法无染爱，无所属故；法无秽污，一切结使，不可得故；
诸法无垢，净过‘空’故；法无微相，相‘寂静’故；
诸法调柔，性不生故；诸法如如，初、中、后际，无差别故；
诸法解脱，不相属故，诸法无闻，如瓦砾故；
诸法非色，同虚空故；诸法平等，无积聚故；
法不可持，犹如虚空，不可执故；
诸法无得，智者推求，不可得故；
法无扰动，三世净故；法无扼缚，破闇冥故；
法无荆棘，离诸缠故；诸法安隐，如涅槃故；
法无怖畏，过诸畏故；法无彼岸，无此岸故；
诸法无量，过算数故；诸法无相，其相空故；
诸法无作，断诸愿故；诸法无行，行虚诞故；
法无戏论，灭觉观故；法无窟宅，离住处故；
法无有浊，常清净故；法同涅槃，生不可得，空无有故。

比丘当知，诸法如是，不可宣说，是故我昔，坐于道场，得无所得，无有一法，有出有没，有缚有解，亦无有法，有障有缠，有忧有悔，所以者何？诸法清净，无杂秽故。”

尔时，无垢光闻说是法，心怀踊跃，悲喜交集，雨泪、叉手、合掌，一心观佛。即说偈言：

快哉世尊大功德，诸天世人所归仰；
善觉一切妙胜行，稽首能断诸苦行；
‘无所依’者为作依，无有导者为奖导；
安住‘实道’常清净，稽首世尊大威德。
为世闇冥作灯明，诸无目者为作目；
深著虚妄能度脱，稽首勇猛大精进；
已离染污无瞋恚，于诸缚著得解脱；
等于‘怨、亲’能解缚，稽首真实功德聚。
干竭渴爱及愚痴，破坏诸有除众苦；
生死轮转久已断，稽首大力无上乘；
于诸分别无所著，解脱妙智难思议；
三界最胜离诸垢，稽首清净无垢人；
我今悉求如是道，当脱无依众生苦；
愿令我得‘如是乘’，终不‘小乘’尽诸漏；
亿那由他无量劫，常受众苦不捨道；
如月盛满显众星，我观如来亦如是；
譬如有人入大海，其意下劣求水精；
虽遇无量珍宝聚，捨之而取下贱者；
如人闻佛‘无量力’，而不生念‘我当得’；
大乘广博所作事，放捨菩提证声闻；

譬如有人见大王，与诸群臣相围绕；
不求王位悌臣佐，当知是意非黠慧；
如人闻佛大功德，妙胜智慧所作事，
而于小乘生喜乐，是则下劣懈怠心；
众生不应‘贪小乘’，以如‘闇夜’萤火明；
当悌日光普大照，能破一切诸黑闇；
佛有无量大名闻，声彻人天诸恶趣；
佛光微妙为最上，能照世间诸闇冥；
譬如师子处野干，其心好乐野干众，
放捨师子所应作，而更随逐野干法；
如有大人在声闻，其犹师子在野干，
贪乐‘小法’以为足，当知是辈‘行贫道’；
若人欲求大乘道，当应常发‘如是’心；
利益世间断众苦，不应同彼诸声闻。

尔时众会，闻‘无垢光’所说偈已，四万二千天子，发阿耨多罗三藐三菩提心。即散‘摩诃曼陀罗华、拘茂陀’等，供养世尊。

文殊师利赞无垢光作如是言：“善哉！善哉！无垢，能报佛恩，于菩提道，多所饶益。”

尔时世尊，即时微笑，诸佛常法，若微笑时，有‘五色光’从口而出，所谓：青、黄、赤、白、红玻瓈色，遍照无量无边世界，上至梵世，蔽于日月所有光明，还至佛所，绕佛三匝，从顶上没。

尔时阿难，即从坐起，整衣服，偏袒右肩，右膝着地，合掌向佛，而白佛言：“世尊，有何因缘而现微笑？诸佛世尊，不以无缘，而现微笑。”

佛告阿难：“此无垢光比丘，有大深慧，发阿耨多罗三藐三菩提心，我今当授阿耨多罗三藐三菩提记。”

佛告阿难：“此无垢光比丘，于未来世，弥勒佛所，逮无生忍，亦当供养、见‘贤劫千佛’。过是之后，复经十劫，供养二十亿诸佛已，得成为佛，号名：功德莲华、最胜妙行、师子雷音如来。”

复告阿难：“功德莲华·最胜妙行·师子雷音如来，应、正遍知，彼佛世界，名：无量音，七宝所成，无有‘缘觉、声闻’弟子，纯诸菩萨，彼佛世界，常转平等，不退法轮。

阿难，此无垢光，速当得阿耨多罗三藐三菩提，所以者何？所乘妙胜，净佛土故。”

尔时世尊，复告阿难：“譬如日光，所至之处，破众闇冥，如是阿难，若有众生，得闻此经，当知是处，有大照明，能令众生，于一切法，得无障碍。”

尔时阿难，前白佛言：“世尊，云何众生，于一切法，得无障碍？”

佛言：“且止，阿难，何用问此？如是事为如来，若说‘障与无障’，诸天世人，皆当惊疑。”

尔时，文殊师利法王子白佛言：“世尊，愿说‘障碍’、‘不障碍’法，诸菩萨闻，能于后时，五浊恶世，于诸世法，不生染著。”

佛告文殊师利：“夫‘障碍’者：贪欲是障碍；瞋恚是障碍；愚痴是障碍；布施是障碍；持戒是障碍；忍辱是障碍；精进是障碍；禅定是障碍；智慧是障碍；佛想是障碍；法想是障碍；僧想是障碍；空想是障碍；无相想是障碍；无作想是障碍；无行想是障碍；不生想是障碍。

文殊师利，取要言之，若于诸法，有缚有解，当知如是，皆是障碍。”

尔时，文殊师利法王子白佛言：“世尊，云何布施、持戒、忍辱、精进、禅定、智慧是障碍法？”

佛告文殊师利法王子：“一切诸法，‘性’无障碍，而诸凡夫、愚小无智，自生‘分别’，于‘布施、持戒、忍辱、精进、禅定、智慧’而作障碍，所以者何？

文殊师利，凡愚之人，行布施时，于悭众生，不生恭敬，以不恭敬，便生瞋心，以瞋心故，堕大地狱；

身自持戒，见犯戒者，而生轻慢，说其过恶，令他闻之，生不恭敬，以不恭敬故，堕于恶趣；

自修忍辱，以忍辱故，而生高心：‘我是忍辱，余人粗恶’，以是‘忍’故，而生‘放逸’，当知即是‘众生’之本；

自行精进，于懈怠者，生如是念：‘如此愚人，不应食他‘信施供养’，乃至不应，受一饮水。’常于己身，而起贡高，卑下他人，当知是辈，愚小无智；

自行禅定，见乱想者，发如是念：‘我常修定，其余比丘，多诸乱心，说于邪论，如此之人，去道尚远，何能得佛？’作是念时，随所起念，一念一劫，还受生死，受生死已，甫^{f ŭ}当更修菩提之道；

自恃多闻，于‘无名’法，以不真智，妄生分别，见‘有所得’，起大憍慢，我说是辈，更‘大愚痴、无智’之人，诸觉所‘覆’，非是‘大人’，虽复志求‘大乘之道’，作如是言：‘我当于世，为最、为胜。’而于‘声闻小乘’之人，不生恭敬，轻慢恶贱，说其‘过、罪’，以其恶心，说粗语故，而堕恶趣。”

尔时，文殊师利法王子白佛言：“世尊，菩萨不应于佛法中，妄宣‘人恶’。”

佛言：“如是、如是，文殊师利，于意云何，菩萨岂不于诸众生，常起慈心，怜愍爱念，不以恶眼而视之耶？”

文殊师利言：“如是，世尊。”

“复次，文殊师利，于意云何，菩萨岂当于一众生，不以声闻、缘觉、大乘而度脱耶？”

“不也，世尊，菩萨未曾捨一众生而不度脱，常于一切，起平等心。”

佛告文殊师利：“譬如良医，等疗众病——国王大臣，长者居士及诸贫民。常作是念：‘云何能令，众生免苦，得离诸病？’文殊师利，菩萨亦尔，常于众生，起大悲心，发平等意：‘云何当令，一切众生，受行佛法，使不断绝？’

又如良医，所有‘医王经书、咒术’不断绝时，心生欢喜，踊跃无量。文殊师利，菩萨亦尔，诸佛种性，不断绝时，心生欢喜，亦复如是。

文殊师利，一切众生，不尽如医，能治众病，设有能者，是亦难得。文殊师利，菩萨亦尔，不尽如佛，起菩提心，而自庄严，设有能者，是亦难得。

又如良医，于诸医方、经书、秘术，不应懈怠，以修医法。文殊师利，菩萨亦尔，不应懈怠，如羸^{léi}病人，发菩提心，文殊师利，自然无师，是为难得，不从他知，是亦难得，妙胜之心，是亦难得，修行佛法，是以难得。”

尔时，文殊师利法王子白佛言：“世尊，云何菩萨，于一切法，心无障碍，速得清净？”

佛告文殊师利法王子言：“若有菩萨，观于‘贪欲’于一切法，‘瞋恚、愚痴’于一切法，是则名为‘净诸业障’。”

“复次，文殊师利，若有菩萨，于诸五欲，不生爱乐，亦不放捨，观欲‘实性’即是‘佛法’，是则名为‘净诸业障’。”

“复次，文殊师利，若有菩萨，而于五盖，以求菩提，如是观时，不得五盖及与菩提，是则名为‘净诸业障’。”

“复次，文殊师利，若有菩萨，观‘九恼法即是慈心’，思惟观察‘九恼法’时，不得他人，及与己身，名最上慈，以于诸法，无所得故，菩萨忍，亦复如是，是则名为‘净诸业障’。”

“复次，文殊师利，若有菩萨，‘观于犯，即是不犯’；‘观非毗尼，即是毗尼’；观于‘系缚’，即是‘解脱’；‘观于生死，即涅槃界’，是则名为‘净诸业障’。”

“复次，文殊师利，若有菩萨，观‘贪欲界，即涅槃界’，瞋恚、愚痴，亦复如是，是则名为‘净诸业障’。”

“复次，文殊师利，若有菩萨，观‘一切法即是佛法’，是则名为‘净诸业障’。”

“复次，文殊师利，若有菩萨，观一切法，无有‘体、相’，亦无‘根本’，是则名为‘净诸业障’。”

“复次，文殊师利，若有菩萨，观慳及施，不作二想；持戒、毁戒，不作二想；瞋恚、忍辱，不作二想；懈怠、精进，

不作二想；乱心、禅定，不作二想；愚痴、智慧，不作二想，是则名为‘净诸业障’。”

“复次，文殊师利，若有菩萨，观诸烦恼即是佛法，是则名为‘净诸业障’。”

尔时，文殊师利法王子白佛言：“世尊，云何菩萨，观诸烦恼即是佛法？”

佛告文殊师利：“于意云何？汝颇见——‘法’能还与‘法’，作系缚不？”

答言：“不也，世尊。”

“文殊师利，于意云何，颇见——有‘法’，能为‘诸法’作‘解脱’不？”

“不也，世尊。”

“文殊师利，云何菩萨，得无生忍？”

文殊师利言：“一切烦恼，即无生忍。所以者何？一切烦恼，同‘虚空性’，以是义故，我观诸法，无智、无断、无证、无修，而诸凡夫，障碍所蔽，无有佛法，见有断结，修佛法故。”

尔时，世尊赞文殊师利法王子言：“善哉，善哉，文殊师利，善能解说‘无尽之法’。”

文殊师利，过去久远、无量无边、不可思议‘阿僧祇·劫’，尔时，有佛，号‘日无垢光如来’，应供、正遍知、明行足、善逝、世间解、无上士、调御丈夫、天人师、佛、世尊，出现

于世。文殊师利，日无垢光如来，寿九十劫，国名‘众香’，彼佛世界，多诸众生，好乐‘小法’，少能修习‘无上大乘’。彼佛世尊，般涅槃后，法住千岁；分布舍利，如我灭后，等无差别。

时有比丘，名曰‘勇施’，惭愧乐学，善修戒身，多闻智慧，颜貌端正，成就第一清净妙色。

尔时勇施，著衣持钵，入难胜城，次行乞食，到长者舍。其家有女，容貌端正，未适夫主。时长者女，见勇施已，生爱染心，作如是念——‘我若不得‘勇施比丘’以为夫者，当自殒命。’初不向人，说如此念，欲心内结，遂以成病。

尔时，勇施乞食，得已还诣精舍，而于后时，女父命终，尔时其母，而问女言：‘汝何因缘而致斯病？’女时默然，遂不饮食。

尔时女母，密遣余女，先来亲善，同苦乐者，而往问言：‘以何因缘，而致斯病？’

时女答言：‘我于先时，见一比丘，颜貌端正，便生欲心，以致斯病。若得从意，我病则愈；若不得者，便当殒命。’

是时余女，闻此事已，还向其母，具说上事。

其母闻已，作是思惟：‘今我此女，病患如是，若使不得勇施比丘，当作何计？’复作是念：‘我今当请勇施比丘，数至我家，当使此女，从受经法。’

尔时勇施，而于异时，入城乞食，复至其家，见长者女，身体羸瘦，而问之言：‘此女何因何缘，而有此病？’

时母答言：‘而我此女，好听经法，我常固遮，不遂其意，以致斯病。’

尔时勇施，语其母言：‘莫遮此女，使不听法。’

母还报言：‘尊者，若能教授此女经法，我当听之。’

尔时勇施，即便许可。

其母语言：‘从今已往，常至我家？’

答言：‘可尔。’

时，长者女闻是语已，心大欢喜——我今当作，种种方便，令此比丘，于我生著。

时长者女，语勇施言：‘惟愿尊者，哀愍我故，常至我舍。’尔时勇施，默然许可，即受其食，还诣精舍。

尔时其母，语其女言：‘从今已往，好自庄严，以好栴檀，种种杂香，以涂其身，更著‘新好上妙’衣服，如是庄严，可得从意。’

其后勇施，数到其家，转相亲厚，数相见故，便失正念而生欲心，即与彼女，共行淫法，心遂耽着，往来频数。

时彼女夫，见此比丘，往来频数，心生疑恶，即设方便，欲断其命。勇施比丘，闻是事已，即作是念：‘当以毒药，持与彼女，令断夫命。’

尔时勇施，即以毒药，持与彼女，而语之言：‘若必念我，可持此药，以杀汝夫。’

时长者女，即以毒药，和著食中，敕其婢使：‘持此饭食，以饭我夫。’

夫食饭已，即便命终。

尔时勇施，闻彼命终，心生大悔，作是思惟：‘今我所作是大重恶，何名比丘，受行淫法，又断人命？我今如是，当何所归？生大忧恼？我若命终，当堕恶道，谁能免我，如是之苦？’

以是事故，从一精舍，至一精舍，惶怖驰走，衣服落地，作如是言：‘咄哉！怪哉！我今即是地狱众生。’

时有精舍，名曰‘醯无’，中有菩萨，名曰‘鼻揉多罗’，勇施比丘，即入其房，举身投地。

时彼菩萨问勇施言：‘何为以身自投于地？’

答言：‘大德，我今即是地狱众生。’

又复问言：‘谁乃令汝为地狱人？’

勇施答言：‘我作大罪，犯于淫戒，又断人命。’

时彼菩萨，语勇施言：‘比丘莫怖，我今力能，施汝无畏。’

尔时，勇施闻彼菩萨，施无畏声，心生欢喜，踊跃无量。

尔时，鼻揉多罗菩萨，即时从地接起勇施，牵其右手，将至异处，坐林树中。

时，鼻揉多罗菩萨，涌身虚空，高一多罗树，语勇施言：
‘今汝于我，生深信不？’

勇施即时叉手合掌而答之言：‘我见仁者，如遇大师，亦如世尊。’

尔时鼻揉多罗菩萨，即时入于‘诸佛境界’大乘妙门如来宝印三昧，入三昧已，即于身上，出无量佛身，皆金色三十二相，遍林树间。

尔时诸佛，即时同声，说是偈言：

诸法同镜像，亦如水中月，凡夫愚惑心，分别痴恚爱；
法无作无处，如虚空清净，亦无有觉知，虚诞不牢固；
于内求恚爱，未尝有得者，凡夫生染爱，实无有染著；
如于眠梦中，染著于诸色，亦如刀割物，而刀无所知，
凡夫亦如是，愚惑妄分别，于爱生染著，于著增诤讼。
世间犹如梦，空无不牢固，如焰空中云，痴爱寂无相；
诸法如草木，心不在内外，爱非寿命人，自性无所有；
凡夫见诸法，计从因缘生，无作不可取，性离常寂静；
诸法犹如幻，凡夫生取著，幻性无坚固，贪瞋痴亦然；
诸法常无相，寂静无根本，无边不可取，欲性亦如是；
众生如镜像，计著于我所，离如妄分别，无坚固可取；
诸法如影响，欲恚无处所，如幻梦水月，实无染恚者；

境界不真实，空无不可取，分别法无主，根本常寂静；
譬如幻化人，无有贪恚痴，幻梦等诸法，其边不可得；
如月现于水，而不在水中，凡夫染痴恚，痴爱恚无性；
贪瞋恚愚痴，诸缘常空无，无众生寿命，虚无常寂静；
无眼亦无耳，鼻舌亦复然，凡夫痴无智，虚妄生牢固；
如虚空无边，无尽无去来，诸法亦如是，如手摸虚空；
种种分别法，实无分别者，凡愚计诸阴，而实无有生；
我观一切法，性根无所有，无生亦无灭，未曾有聚散；
诸法性解脱，寂静无处所，无能希取者，解此名为智。

尔时，林中万二千天子，诣‘鼻揉多罗菩萨’来听法者，
闻说是偈，即时皆得，无生法忍。勇施比丘，见诸化佛，神通
变现，于诸法中，思惟选择，离诸盖缠，得无生忍。

文殊师利，汝莫生疑，尔时鼻揉多罗菩萨，岂异人乎？今
弥勒菩萨是也。勇施比丘，岂异人乎？宝月如来是也。”

尔时，文殊师利白佛言：“世尊，勇施比丘，已成佛耶？”

佛告文殊师利：“今已成佛，在于西方，去此佛土，恒河
沙数‘诸佛世界’，有国名‘常光’，宝月如来于彼成佛。文
殊师利，汝观是法，能令众生，离诸业障，受行淫法，断人命
根，能令‘现身’，得‘无生忍’。所以者何？能观三界，如
影响故；犹如幻师，观于幻人，无有障碍。

文殊师利，诸凡夫人，于‘无有法’，妄生‘分别’，堕诸‘恶趣’，受于‘无量百千万’苦。”

尔时，文殊师利白佛言：“世尊，若有菩萨，得闻是经，受持、读诵、书写、供养、尊重、赞叹，而于现世，得何等利？”

佛告文殊师利：“于意云何，如日光明，照阎浮提，于是众生，有几何？”

文殊师利白佛言：“世尊，如日光明，照阎浮提，于诸众生而作利益，无量无边，不可思议。”

“文殊师利，当知是经，亦复如是，能令菩萨，破诸结缚，能生无量‘智慧光明’，亦于诸法，得无障碍，速疾能生，无碍智辩；若说法时，不为众生、魔及外道，之所破坏，断其乐说。

文殊师利，譬如大火，焚烧草木，无有遗余，当知是经，烧一切结，亦复如是。

文殊师利，如雪山王，诸余黑山不能‘障翳’，若有菩萨，得闻是经，亦复如是，诸余外道，不能如法而毁坏者。

文殊师利，如转轮王，诸小国王，无敢拒逆，若有菩萨，得闻是经，亦复如是，一切‘杂论’，‘严饰章句’，如是之人，不能抑制。

文殊师利，譬如比丘，善能持律，能除他人‘破戒疑悔’，当知此经，亦复如是，能令众生，离诸忧悔。

文殊师利，如日天子，所至之处，能破众冥；若有菩萨，得闻是经，亦复如是，能破一切‘无明、黑闇’，能生一切智慧光耀。所以者何？以因是经，善修慧故。”

尔时恶魔，来至佛所，白佛言：“世尊，如来大悲，怜愍一切，常施安乐，唯愿世尊，莫说此经，所以者何？若说此经，诸魔宫殿，皆悉震动，诸忧恼箭，入我身中，以此经典，行阎浮提故。世尊，我今当令，如是经典，无有受持、读诵、书写、供养之者，当使此经，似如邪道，令诸众生，起于邪见，读诵方广，大乘比丘，心生疑悔，诽谤此经。”

尔时，释提桓因，以佛神力，即于佛前，头面礼足，以天曼陀罗华而散佛上，白佛言：“世尊，恶魔波旬，设诸方便，欲为此经而作留难。世尊，我当受持，读诵书写，供养恭敬，如来灭后，我与阿难，当令此经，行阎浮提，普令周遍。我与四王，诸鬼神等，常当拥护，说是经‘者’，若有受持，读诵书写，供养恭敬‘是经典’者，于诸拥护，我为宗主。”

尔时，世尊告阿难言：“汝当受持，读诵书写，供养恭敬，如是经典，亦为他人，流布显现，所以者何？阿难，此经则是诸法之镜。”

阿难言：“如世尊教，我当受持。当何名斯经？云何奉行？”

佛告阿难：“此经名为《净诸业障》，亦复名为《入于诸法无障碍慧》。”

说是经时，六十比丘，不受诸法，漏尽意解；八十菩萨得无生法忍。

尔时，尊者阿难，文殊师利法王子，及诸天、世人、乾闥婆、阿修罗等，闻佛所说，皆大欢喜，信受奉行。End

藥師琉璃光如來等七佛

大力神咒

一、药师佛‘除一切众生苦恼’大陀罗尼：

南谟薄伽伐帝，鞞杀社窣嚩，薛琉璃钵喇婆，曷啰阇也，
但他揭多也，阿啰喝帝，三藐三敦陀耶，但姪他：

唵，^{b l}鞞杀逝鞞杀逝，鞞杀社三没揭帝，莎诃。

二、东方七佛如来以一音声宣‘大力神咒’：

但姪他：1 具^{d á z h í t u o}继^{j ì}具^{y i}继^{n ì x ì} 2 髻^{s à d u o}尼^{n i}继^{n i}膩^{x i}咽 3 末^é底^{ch ĭ}末^é底^{ch ĭ} 4 馱^{b ō}頰^{d ù}但^{w à}他^{w ù m i j ŭ m i}
5 揭^{du ó}多^{du ó}三^{du ó}摩^{du ó}地 6 頰^é提^{ch ĭ}瑟^é恥^{ch ĭ}帝 7 頰^é帝^{ch ĭ}末^é帝^{ch ĭ} 8 波^{b ō}例^{b ō} 9 波^{b ō}跋^{b ō}输^{b ō}但^{b ō}你^{b ō}
萨^{d á}婆^{b ō}波^{b ō}跋^{b ō} 10 那^{d ì}世^{d ì}也 11 敦^{w à}睇^{w à}波^{w à}图^{w à} 12 嗚^{w ù m i j ŭ m i}答^{w ù m i j ŭ m i}继^{w ù m i j ŭ m i} 隴^{du ó}謎^{du ó}矩^{du ó}謎^{du ó} 13 佛^{du ó}铎^{du ó}
器^{d á}怛^{b ō}罗 14 钵^{tán}里^{n i}输^{tán m i}但^{n i}你^{tán m i} 15 曇^{m i}謎^{l ū}呢^{l ū}曇^{l ū}謎^{l ū} 16 謎^{l ū}嚕^{l ū}謎^{l ū}嚕^{l ū} 17 謎^{l ū}嚕^{l ū}尸^{l ū}
謁^{q i è}丽 18 萨^{l i d ŭ}婆^{l i d ŭ}哥^{l i d ŭ}罗 19 蜜^{b o}栗^{b o}覩^{d ì} 尼^{b o}婆^{b o}喇^{d ì}你 20 敦^{b o}提^{b o}苏^{d ì}敦^{d ì}睇^{d ì} 21 佛^{d ì}陀^{d ì}
22 頰^{ch à}提^{ch à}瑟^{ch à}佗^{ch à}泥^{ch à}娜 23 曷^{h é}洛^{h é}叉^{h é}覩^{d ŭ m i}謎^{d ŭ m i} 24 萨^{d ŭ m i}婆^{d ŭ m i}提^{d ŭ m i}婆^{d ŭ m i} 25 三^{nu o}謎^{nu o}頰^{d ŭ m i}三^{d ŭ m i}謎^{d ŭ m i}
26 三^{nu o}曼^{nu o}揆^{d ŭ m i}汉^{d ŭ m i}兰^{d ŭ m i}覩^{d ŭ m i}謎^{d ŭ m i} 27 萨^{du ǒ}婆^{du ǒ}佛^{sh ān}陀^{m i} 28 菩^{sh ān}提^{m i}萨^{m i}埵^{m i} 29 苦^{m i}謎^{m i}苦^{m i}謎^{m i} 30
钵^{d ŭ m i}喇^{d ŭ m i}苦^{d ŭ m i}曼^{d ŭ m i} 31 覩^{w ù}謎^{w ù} 32 萨^{w ù}婆^{w ù}伊^{w ù}底^{w ù}隴^{w ù}波^{w ù}达^{w ù}婆^{w ù} 33 萨^{p í}婆^{p í}毗^{p í}何^{p í}大^{p í}也 34
萨^{b u}婆^{b u}萨^{b u}埵^{b u} 者^{b u}瞞^{b u}兰^{b u}泥^{b u} 瞞^{b u}兰^{b u}泥^{b u} 35 瞞^{m i}兰^{m i}也^{m i}謎^{m i} 36 萨^{b ì l i ú l í}婆^{b ì l i ú l í}阿^{b ì l i ú l í}舍^{b ì l i ú l í}薛^{b ì l i ú l í}璃^{b ì l i ú l í}
也 37 钵^{b ō}喇^{b ō}底^{b ō}婆^{b ō}细^{b ō} 38 萨^{b ō}婆^{b ō}波^{b ō}跋^{b ō} 39 差^{b ō}杨^{b ō}謁^{b ō}丽^{b ō} 40 娑^{b ō}诃^{b ō}。

三、忆请‘执金刚·释梵四天’护持神咒：

但姪他：1 要^{jù}婁莫婁 2 但罗婁 3 么么婁具丽 4 诃呼^{xī}醯
5 末罗末罗末罗 6 竖树丽 布丽 7 娑诃。

四、执金刚菩萨‘令无众恼·所愿满足’神咒：

1 南无^{sà}馱多喃 2 三藐三佛陀喃 3 南么萨婆跋折罗达罗喃
4 但姪他：唵 5 跋折 6 跋折丽 7 莫诃跋折丽 8 跋折罗波捨
9 陀喇你三么 10 三么 11 三曼^{duo}頹 12 阿钵喇底 13 喝多跋折丽
14 苦^{shān m e shān m e}么苦么 15 钵罗苦曼^{dǔ m i}覩謎 16 萨婆阿大也 17 矩嚕矩嚕
18 萨婆^{jié}羯么阿代喇 擎^{n á}你叉也 19 三么也 末奴 三末罗薄伽畔
跋折罗波你 20 萨婆舍^{m i b ō l ĩ}謎钵哩 21 瞞^{b u l ǎ}喇也 22 娑诃。

五、金色宝光妙行成就如来‘除业障’神咒：

但姪他：1 悉^{d ì}睇悉睇 2 苏悉睇 3 谟折你 4 木刹你 5 目帝毗
目帝 6 菴^{ā n}末丽 7 毗^{p í}末丽 8 忙揭例 9 晒^{x ì l án}阑若揭 鞞^{b ì} 10 曷喇但娜 11
揭鞞^è萨婆頹他 12 娑但你 13 钵罗摩頹他 14 娑但你 15 末捺^{n à}细 16
莫诃末捺^è细 17 頹^{zhì}步帝 18 頹^{zhì}室步帝 19 毗^{y è}多婆 曳 20 苏跋泥 21
跋罗^{h ā n}蚶摩 22 瞿^{q ú}使 23 跋罗蚶摩 24 柱使帝 25 萨婆頹^{d ǔ sh ā s è z h i}剃数 26 阿
钵罗市帝 27 萨跋但罗 28 阿钵喇底喝帝 29 折覩^{d ǔ sh ā s è z h i}殺瑟檄 30 敦陀
俱^{zh ī}胝 31 婆使帝 32 细摩萨婆 33 但他揭多喃 34 莎^{s u o}诃。

六、十二药叉大将

- 1 宫毗羅 大将 2 跋折羅 大将 3 迷企羅 大将
4 頹你羅 大将 5 末你羅 大将 6 娑你羅 大将
7 因陀羅 大将 8 婆夷羅 大将 9 簿呼羅 大将
10 真達羅 大将 11 朱杜羅 大将 12 毗羯(jie)羅 大将

七、东方七佛如来及二菩萨名号

- 1、南无东方‘无胜世界’——善名称吉祥王如来！
- 2、南无东方‘妙宝世界’——宝月智严光音自在王如来！
- 3、南无东方‘圆满香积世界’——金色宝光妙行成就如来！
- 4、南无东方‘无忧世界’——无忧最胜吉祥如来！
- 5、南无东方‘法幢世界’——法海雷音如来！
- 6、南无东方‘善住宝海世界’——法海胜慧游戏神通如来！
- 7、南无东方‘净琉璃世界’——药师琉璃光如来！
 - (1) 南无净琉璃世界——日光遍照菩萨！
 - (2) 南无净琉璃世界——月光遍照菩萨！

2020年9月30日
中秋明月夕